

費氏全集

汪洵署檢

醫方論卷三

武進費伯雄晉卿甫著

男應蘭編

孫

榮祖 承祖 紹祖

校字

理中湯

白朮

陳壁土炒二兩

人參

乾薑

炮

甘草

炙一兩

每服四錢自

利腹痛者加木香不痛利多者倍白朮渴者倍白朮倦臥沉重利不止加附子腹滿去甘草嘔吐去白朮加半夏姜汁臍下動氣去朮加桂悸加茯苓陰黃加茵陳寒結胸加枳實本方等分蜜丸名理中丸

寒有外感。有傳經。有直中。有痼冷。外感之寒。先病在表。必發熱而惡寒。後傳入裏。則但發熱而不惡寒。此傷寒之寒症也。直中之寒。手足厥冷。並不發熱。痼冷在內。遇寒而發。暴發於厥。逆其勢尤重。此中寒門之寒病也。施治之法。傷寒一門。在表者宜辛散。傳裏而不化熱者宜辛溫。中寒一門。則每用立止熱。回陽急救之法。此傷寒中寒治法之分也。理中湯治傷寒太陰病。腹痛便溏等症。亦通治中脘虛寒。惟云治結胸吐衄。感寒霍亂。此兩條則宜去人參甘草。量加厚朴砂仁等味。爲妥。

四逆湯

附子

生一枚
用枚

乾姜

兩一

甘草

炙二兩

冷服面赤加葱九煎云腹

痛加芍藥二兩咽痛加桔梗一兩利止脈不出加人參二兩

嘔吐加生姜二兩

四逆湯爲四肢厥逆而設仲景立此方以治傷寒之少陰症。若太陰之腹痛下利完穀不化厥陰之惡寒不汗四肢厥冷者亦宜之。蓋陰慘之氣深入於裏真陽幾幾欲絕非此純陽之品不足以破陰氣而發陽光又恐姜附之性過於燥烈反傷上焦故倍用甘草以緩之立方之法盡美盡善後人分傳經爲熱厥直中爲寒厥程郊倩譏之然亦有未可盡非者仲景曰傷寒一二日至四五日而厥者必發熱應下之此明明說厥逆在前發熱在後及至發熱則不復厥冷乃傷寒失下

之症。故滌蕩邪滯。則發熱自退。本非爲厥。而不熱者。言也。程氏又云。下之者。下其熱。非下其厥也。遇發熱。則可下。遇厥。則萬不可下。此數語。最爲明白。了當。可見傳經之邪。亦自有當下者。但不可概謂之熱厥耳。四逆者。必手冷過肘。足冷過膝。脈沉細無力。腹痛下利等象。咸備。方可用之。否則不可輕投。當歸四逆湯。

當歸 桂枝 芍藥 細辛 三兩 甘草 炙 通草 二兩 大棗

二十五枚 仲景又曰。其人素有久寒者。加吳茱萸二觔。生姜半

觔。酒六升。和煮。名四逆加吳茱萸生姜湯。

厥陰爲藏血之經。故當歸四逆湯。以和榮爲主。加桂枝細辛。

以和衛。榮衛和則厥自解矣。雖有寒而不加姜附者。恐燥烈太過。劫陰耗血也。

四逆散

柴胡 芍藥 枳實 甘草 等分爲末水調飲

四逆散乃表裏並治之劑。熱結於內。陽氣不能外達。故裏熱而外寒。又不可攻下。以礙厥。故但用枳實以散鬱熱。仍用柴胡以達陽邪。陽邪外泄。則手足自溫矣。

眞武湯

附子 白朮 茯苓 白芍 生姜

北方曰幽都。乃陰寒濕濁之地。賴眞武之神。運用水火以鎮

攝之。濁陰方漸得解散。此方取名眞武。乃專治腎臟之劑。坎之爲象。一陽居二陰之中。水中之火。是爲眞火。此火一衰。則腎水泛濫。停於下焦。則腹痛自利。水氣犯中焦。則作噦欲吐。不吐。水氣犯上焦。則咳嗽心悸頭眩。方中姜附以助眞陽。用苓朮以制二陰。水氣一收。則上中下三焦俱無病矣。

白通加人尿豬胆汁湯

葱白

莖四兩

乾姜

兩一兩

附子

炮一兩

人尿

合五

豬胆汁

合一

少陰病下利脈微。服白通湯後利不止。厥逆無脈。此爲陰寒過甚。陽氣將絕之候。加人尿豬胆汁者。以類相從之義也。服後脈暴出。則陽氣盡泄。孤立無依。故隨脫而死。脈微續者。陽

氣漸回。以次可復。故得生。外用葱艾熨灸氣海關元。表裏通陽。亦爲善策。

吳茱萸湯

吳茱萸

升泡一

人參

兩三

大棗

枚十二

生姜

兩六

吳茱萸。辛烈善降。得姜之溫。通用以破除陰氣有餘矣。又恐辛燥太過。耗氣劫陰。故用人參大棗之甘。緩以濟之。又能補土扶陽。使濁陰不得上干。清道治法。更爲周到。

大建中湯

蜀椒

合二

乾姜

兩四

人參

兩二

煎去滓。內飴糖一升。微煎溫

服

非人參不能大補心脾。非姜椒不能大祛寒氣。故名曰大建中。又有飴糖之甘緩。以殺姜椒之辛燥。非聖於醫者。不辨有此。

十四味建中湯

黃芪

炙蜜

人參

白朮

炒土

茯苓

甘草

炙蜜

半夏

製姜

當

歸

洗酒

白芍

炒酒

熟地

川芎

麥冬

肉蓯蓉

附子

肉桂

加姜棗煎

於十全大補中。又加四味。究竟陽藥太多。若以治陰虛之勞瘠。非抱薪救火乎。至藥令建中湯。加柴胡細辛之開透。善走欲其建立中氣。不亦難乎。

小建中湯

桂枝

生薑

兩三

芍藥

兩六

甘草

兩炙一

大棗

枚十二

入飴

糖一升微火解服

肝木太強。則脾土受制。脾陽不運。虛則寒生。陰氣日凝。陽氣日削。故見腸鳴泄瀉腹痛等症。小建中湯之義。全在抑木扶土。當從吳氏之說。用肉桂。而不用桂枝。肉桂溫裏。桂枝解表。用各有當也。且肉桂性能殺木。合芍藥以制肝。又用姜棗甘草飴糖之甘溫。以補脾。斯中州之陽氣發舒。而陰寒盡退矣。

白朮附子湯

白朮

兩二

甘草

兩一

附子

枚炮一

每服五錢姜五片棗一枚

煎

此爲治腎風之藥。腎爲水臟。得火則平。而濁陰退聽矣。若肝風頭眩。則當用養血之劑。悞用此方。則風火相搏。而病益劇。不可不知。

益元湯

附子

炮

乾姜

艾葉

黃連

知母

人參

麥冬

五

味子

甘草

加姜棗葱白煎入童便一匙冷服

戴陽者。陰不抱陽。虛陽上浮。幾幾欲絕。若悞作熱症治。立見敗壞。此方用姜附艾葉以回陽。用生脈散以斂陰。使陽回氣復。陰能抱陽。可無虛脫之虞矣。

回陽救急湯

附子

炮

乾姜

肉桂

人參

分五

白朮

茯苓

錢一

半夏

陳皮

分七

甘草

分二

五味子

粒九

加姜煎入麝三釐調服無

脈加豬胆汁泄瀉加升麻黃芪嘔吐加姜汁吐涎沫加鹽炒

吳茱萸

此方治中寒之緩症則可。若云救急則姜附中又合六君五味子反令姜附之性多所牽制。不如四逆湯爲能斬關奪門也。

四神丸

破故紙

酒浸一宿炒四兩

五味子

炒三兩

肉豆蔻

麵裹煨二兩

吳茱萸

萸

鹽湯泡
一兩

用大棗百枚生姜八兩切片同煮爛去姜取棗

肉搗丸每服二錢臨臥鹽湯下

命門爲日用之火。所以薰蒸脾胃。運化穀食。若腎瀉者。宜二神丸。脾瀉者。若由木旺尅土。則吳萸能散厥陰之氣。用以抑木。則可。否則不如去五味。吳萸加茴香。木香者之爲佳也。

感應丸

木香

肉荳蔻

丁香

一兩
五錢

乾姜

炮

百草霜

一兩

杏仁

一百粒
去皮尖十

巴豆

七十粒
去皮膜去油

巴豆杏仁另研同前藥末和

勻用好黃蠟六兩溶化重絹濾去渣好酒一升於砂鍋內煮數沸候酒冷蠟浮用清油一兩銚入熬熱取蠟四兩同化成

汁就銚內和前藥末乘熱拌勻丸如豆大每服三十丸空心姜湯下

製方之法極有巧思然走者太走而濇者太濇偏師陷陣終不如堂堂正正之爲得也譽之者嘆爲雖有巴豆服之不瀉此不過藉蠟性爲之封固耳吾不敢以爲神妙也

導氣湯

川楝子

錢四

木香

錢三

茴香

錢二

吳茱萸

湯一

泡錢

長流水煎

此爲治疝之通劑有川楝子苦寒濟以茴香木香吳萸之辛溫肝腎並顧寒濕盡祛致爲妥善

天台烏藥散

烏藥

木香

茴香

鹽炒

良姜

炒

青皮

錢五

檳榔

二個

川

棟子

十個

巴豆

七粒

先以巴豆微打破同川棟麩炒黑去

麩及巴豆同餘藥爲末酒下一錢

治疝大法當溫腎柔肝兼治寒濕何至用巴豆之峻攻不及

導氣湯遠矣

疝氣方

吳茱萸

枳殼

梔子

山查

炒

荔枝核

煨

等分爲末

空心長流水下二錢

此方亦平易近人。雖無近效。然較之烏藥散穩安多矣。

橘核丸

橘核 川棟子 海藻 海帶 昆布 桃仁二兩 延胡索

厚朴 槐實 木通 桂心 木香錢五 酒糊丸鹽湯或酒

下

此乃治癰疽之專劑。理氣破血軟堅行水之法俱備。其知痛楚者不可悞用。

四味香薷飲

香薷

兩一

厚朴

姜汁炒

扁豆

錢炒五

黃連

姜炒錢三

冷服

暑濕暍三氣初學不能分別多致錯悞。今爲明白言之。時當夏令天氣下降地氣上升人處其中暑上侵而濕下襲暑爲天之氣濕乃地之氣其熱之甚者則爲暍。此三氣之分也。今

就暑病門中。先論暑症。雖有冒暑傷暑中暑伏暑等名。不過略分輕重。其爲陽邪則一也。其因暑而貪涼受風者。便是傷風。因暑而食冷受寒者。便是傷寒。但與冬月之傷風傷寒。治法不同。因暑傷風。當辛涼表散。因暑傷寒。當於清解中。參用溫藥。此爲正法。四味香薷飲。乃治感冒暑氣。陽邪遏抑之劑。卽冬月傷風中。用桂枝荊防之例。今人誤以香薷爲涼藥。不論是何暑病。首先用之。殊可怪嘆。

清暑益氣湯

黃芪

人參

白朮

炒

蒼朮

神麴

炒

陳皮

青皮

炒

甘草

炙

麥冬

五味子

當歸

洗酒

黃柏

炒酒

澤瀉

升